



## Informasie euver de cursus “Venloos laeze en schrieve”

In deze cursus kómme diverse aspekte aan bod die heejmei te make hebbe: geej liert o.a. waat 't verschil is tösse ein dialek en 'n taal, wie 'n taal óntsteit, waarom weej dialek mótte blieve spraeke en wie weej dit 't beste kinne behalde, wie tale functionere, waarom weej sóms taalstructure hebbe die stale op 't Duits en sóms op 't Nederlands en waarom weej 'nao 't Zuje' gaon en waarom 't neet 'Waor woeëns dich?' is, waarom weej sóms trema's gebroeke en weej nog maar zelde accente hantere, waat 't verschil is tösse hoes, hoe~s en hoeës, of tösse liene, lie~ne en lieëne, wie se det oetdröks in schriefwies, waat 'ne stoeëttoeën is en waat überhaupt 'n toeëntaal is.... En dit is nog maar 'ne willekeurige greep oet d'n inhoud van de cursus.

Weej wieze d'r waal op det 't heej 'ne cursus laeze en schrieve betref: 't is aan te bevaele det geej al gebroecker ziet van 't dialek. 'ne Cursus Venloos spraeke veur neet-dialekspraekers is in óntwikkeling. Hald heejveur de lokale berichgaeving in de gater.

Koste:

- € 50,- veur leje van Dialekvereniging Veldeke Venlo
- € 75,- veur neet-leje.

Heejbeej zit inbegrepe 't cursusbook en 'n tas kóffie of thee tiejes de aovende.

Waat geej waal zelf nuuedig heb, det is 't nije (witte) Venloos Waordebook, volop te koup beej de diverse boekhandels in Venlo en Blierick. Dit waordebook is gebaseerd op de Spelling-2003 veur de Limburgse dialekte en det is ouk de leidraad gewaes veur de cursus.

Wis geej trouwes det geej lid van ós vereniging kint waere veur € 28,00 per jaor? En 't ierste jaor veur cursiste is gratis.

Aanmelde kin oetsloetend via de website van Veldeke Venlo